

Pign team cun gronda dinamica

La stagiun da cuorsa liunga va plaun a plaun a fin, era pils curriders giuvens. Il trenader dalla gruppa nordica regiunala dalla Surselva, Simi Piali, tila ina bilanza positiva digl engaschament da ses curriders. Per la stagiun vegnenta eis el optimists.

Hans Huonder/FMR

Schegie ch'ei ha buca dau las massas neiv quest unviern entochen ussa, ein las relaziuns da far cuorsa liunga stadas trasatras bunas. Grazia ad empau autras directives ni era cundiziuns sluccadas pervia dil coronavirus, han las pli biaras concorrenzas saviu vegnir arranschadas sco avon la pandemia. Aschia han las curridras ed ils curriders saviu pertgei ch'els han trenau ils meins avon.

Tschun curriders

Tschun curriders han apparteniu quest unviern alla gruppa regiunala da cuorsa liunga dalla Surselva. Cullas prestaziuns da quels ei il trenader *Simi Piali* fetg cuntents: «Nus havein contonschiu las finamiras. Als curriders eis ei reussiu repetidamein da serangar sin plazs da podest.» Cun *Tylan Michel* dall'OG Trin ha il team sursilvan giu in currider ch'ei serangaus regularmein denter ils megliers Svizzers da sia vegliadetgna, la categoria dils buobs sut 14 onns. Als campiadis svizzers dall'OG d'avon diesch dis a Tavau eis el daventaus secund en quella categoria. Prestaziuns empermettentas ein era vegnidadas mussadas da *Heikki Piali*, medemamein dall'OG Trin, ed era cul progress da *Maurin Schmed* dil Selvaclub Sagogn ei Simi Piali cuntents. Prestaziuns constantas sur l'entira stagiun han era *Luca Deplazes* dil Team Panda Trun e *Matia Friberg* dil Club da skis Sedrun-Tujetsch mussau. «Mo era *Jon-Fadri Nufer* (Club da skis Sedrun-Tujetsch) ha giu ina fetg buna stagiun. El fuss en sesez en nies team, mo ei sedecidius da trenar tenor in agen program», di Simi Piali.

Avegnir empermettent

Il cautrenader dil team sursilvan sa buca mo mirar anavos sin ina fetg buna stagiun. El mira era cun optimissem enviars la proxima: «Al fuffergnadi che nus havein organisau per curriders novs ein quater separticipai. Jeu quentel silmeins cun dus novs la stagiun vegnenta.» Avon che Simi Piali planiseschi denton la stagiun vegnenta, respectivamein las preparativas sin quella, serendan ils curriders aunc a duas concorrenzas finalas da quest unviern. Ils 19 e 20 da mars 2022 ei il final dalla Helvetia Nordic Trophy a Lai, in'jamna pli tard suonda la secunda part dil campiadis svizzer e l'entschatta avrel ei il final dil BKW Swiss Cup a Langis. Las proximas jamnas vegn ei era a sedecider schebein Simi Piali resta trenader dil team da cuorsa liunga dalla Surselva: «Da principi sun jeu promts da cuntinuar culla lavur. La decisiun pren denton outra glied.»

Rangaziun finala dil Cup Energia alpina

Buobas sut 8 onns: 1. Ilaria Elvedi, Castrisch, 260; 2. Annina Zinsli, Castrisch, 190; 3. Alleen Berther, Sedrun-Tujetsch, 190.

Buobs sut 8 onns: 1. Leo Caflisch, OG Trin, 300; 2. Federico Berni, Castrisch, 190; 3. Noa Caduff, Castrisch, 146.

Buobas sut 10 onns: 1. Chiara Bässler, OG Trin, 300; 2. Annina Succetti, OG Trin, 240; 3. Andrina Bisquolm, Team Panda Trun, 170.

Buobs sut 10 onns: 1. Nico Bässler, OG Trin, 300; 2. Amon Olbrecht, Castrisch 220; 3. Jean-Luis Riser, Selvaclub Sagogn, 165.

Buobas sut 12 onns: 1. Otavia Vonplon, Castrisch, 280; 2. Lynn Maissen, OG Trin, 180; 3. Pia Pelican, Team Panda Trun, 165.

Buobs sut 12 onns: 1. Elia Bisquolm, Team Panda Trun, 280; 2. Mauro Bässler, OG Trin, 260; 3. Nevin Schöpf, Selvaclub Sagogn, 180.

Buobas sut 14 onns: 1. Celia Rötliberger, OG Trin, 300; 2. Janina Dolf, Selvaclub Sagogn, 140; 3. Paula Decurtins, Team Panda Trun, 110.

Buobs sut 14 onns: 1. Maurin Schmed, Selvaclub Sagogn, 220; 2. Tylan Michel, OG Trin, 200; 3. Linus Flisch, OG Trin, 180.

Buobas sut 16 onns: 1. Anna Tina Ernst, Selvaclub Sagogn, 260; 2. Anna Lena Dolf, Selvaclub Sagogn, 200.

Buobs sut 16 onns: 1. Matia Friberg, Sedrun-Tujetsch, 280; 2. Luca Deplazes, Team Panda Trun, 180; 3. Nicolas Koch, OG Trin, 170.

Rangaziun finala Cup nordic grischun Raiffeisen

Buobas sut 12 onns: 1. Gianna Lucia Fröhlich, Bual Lantsch 380. Plinavon: 11. Otavia Vonplon, Castrisch, 107; 23. Lynn Maissen, OG Trin, 20; 28. Elena Peng, Castrisch, 15.

Buobs sut 12 onns: 1. Mic Willy, Lischana Scuol, 400. Plinavon: 3. Elia Bisquolm, Team Panda Trun, 162; 17. Mauro Bässler, OG Trin, 40; 24. Luca Mattia Caprez, OG Trin, 26; 27. Cherubin Ludescher, Castrisch, 24; 31. Nico Auer, OG Trin, 22.

Buobas sut 14 onns: 1. Lina Bundi, Tavau, 580; Plinavon: 13. Celia Rötliberger, OG Trin, 36; 15. Irina Konrad, Sedrun-Tujetsch, 32.

Buobs sut 14 onns: 1. Jon Arvid Flury, Tavau, 500. Plinavon: 2. Tylan Michel, OG Trin, 480; 8. Heikki Piali, OG Trin, 234; 11. Maurin Schmed, Selvaclub Sagogn, 113; 21. Dea Succetti, OG Trin, 28; 25. Linus Flisch, OG Trin, 20; 26. Rico Maissen, OG Trin, 18.

Giuvnas sut 16 onns: 1. Ilaria Gruber, Alpina S. Murezi, 560. Plinavon: 8. Anna Lena Dolf, Selvaclub Sagogn, 80; 9. Anna Tina Ernst, Selvaclub Sagogn, 60.

Giuvens sut 16 onns: 1. Maximilian Alexander Wanger, Lischana Scuol, 640. Plinavon: 12. Matia Friberg, Sedrun-Tujetsch, 134; 13. Luca Deplazes, Team Panda Trun, 116; 19. Liun Padrun, OG Trin, 20; 20. Nicolas Koch, OG Trin, 17.

Damas sut 18 onns: 1. Lea Zimmermann, Tavau, 240.

Umens sut 18 onns: 1. Niclas Steiger, Piz Ot Samedan, 200. Plinavon: 7. Jon-Fadri Nufer, Sedrun-Tujetsch, 60.

Damas sut 20 onns: 1. Sarah Meisser, Tavau, 360.

Umens sut 20 onns: 1. Nicolo Landert, Rätia Cuera, 400.